

欽定盛京通志卷之八十五

忠節 四

國朝

鑲白旗滿洲

鑲紅旗滿洲

正藍旗滿洲

鑲藍旗滿洲

鑲黃旗蒙古

正黃旗蒙古

欽定盛京通志

卷八十五

目錄

一

正白旗蒙古

正紅旗蒙古

鑲白旗蒙古

鑲紅旗蒙古

正藍旗蒙古

鑲藍旗蒙古

欽定盛京通志卷之八十五

忠節四

國朝

鑲白旗滿洲

太祖時來歸。即管佐領事。天命四年。從征明。有功。授一等叅將。世職。六年。隨略明。奉集堡。守城。總兵李秉誠。引騎三千。出城駐營。遣兵來偵。我軍兩路追擊。至山巔。山上明兵。結為方陣。見我軍至。拔

欽定盛京通志

卷八十五

忠節四

一

營奔。吉普克達。尾擊。抵其壕岸。中巨礮。歿。天聰八年。贈世職。為二等叅領。

和羅。姓伊爾根覺羅。隸鑲白旗滿洲。世居嘉哈。初任佐領。屢從征伐。

太祖丁未年。九月。隨征輝發。力戰陣亡。子鄂錫。于康熙十三年。從征逆藩吳三桂。至陝西秦州。城內賊眾。與四川來援之賊。水陸夾攻。鄂錫力戰。沒于陣。加贈世職。騎都尉。

準泰。姓薩克達。隸鑲白旗滿洲。世居珊延哈達。

天聰三年。從征明燕京。首登邊城。有功。攻大同時。同本旗兵另攻一土堡。又首登焉。至深井。復首先登城。遂戰歿。贈佐領世職。

瑪爾圖。姓札庫塔。隸鑲白旗滿洲。

太祖時來歸。授備禦世職。天聰六年。從征明。圍錦州。沒於陣。子烏庫禮襲職。年十六。卽効力戎行。

太宗甚嘉之。屢加擢任。見本志名宦。

巴薩禮。姓瓜爾佳。隸鑲白旗滿洲。世居烏斐宜。初管佐領。天聰七年。追躡明兵。遇明哨卒。擊敗

之。有俘獲。

欽定盛京通志

卷八十五

忠節四

二

太宗賜以馬。順治元年。從入關。十一年。從征浙江舟山。擊僞總制陳六御等。敗之。尋駐防江寧。十六年。海賊鄭成功犯江寧。力戰陣亡。贈騎都尉。

格紳。姓伊爾根覺羅。隸鑲白旗滿洲。世居察爾吉。初任佐領。天聰八年。從征瓦爾喀。有俘獲。崇德五年。隨征明錦州松山。兵敗之。七年。圍松山。擊敗敵兵。順治元年。入關。追流賊。敗之潼關。十六年。從征福建。至廈門岸。仰攻之。中傷沒。贈二

等輕車都尉。

薩哈隸鑲白旗滿洲。天聰八年。隨征明大同。有功。崇德元年。隨征朝鮮。因率兵取草。遇敵來犯。歿於陣。同旗有領催僧喜。崇德元年。隨征明。攻順義。先登。

賜號巴圖魯。授佐領世職。二年。亦以隨征朝鮮。戰于桃花山村。被創。歿于陣。

納密達。姓索綽羅。隸鑲白旗滿洲。世居吉林。天聰八年。從征明。攻雄縣。先登。崇德元年。征朝鮮。

欽定盛京通志

卷八十五

忠節四

三

攻皮島。首先渡海。後隊未至。登岸而戰。遂歿於陣。贈佐領世職。加贈一雲騎尉。和託。亦以從征烏龍江。陣亡。又族弟庫尼雅。崇德八年。隨攻霸州。有功。屢擢至雲騎尉。康熙初。勦茅麓山流賊。戰歿。

敦達禮。姓果爾羅斯。隸鑲白旗滿洲。世居沾河。自幼侍

太宗。日見親信。崇德元年。肅親王豪格分封。遣敦達禮輔之。並以佐領銜。掌王府事。敦達禮秉性忠直。

遇事勸諫。偶有不聽。據實陳奏。請還爲內侍。

太宗卽召王。溫旨開導。親解御衣一襲。賜敦達禮。八年。太宗賓天。敦達禮朝衣哭踊。自縊以殉。順治初。賜諡忠毅。立碑墓道。

喀爾塔拉。姓章佳。隸鑲白旗滿洲。襲父圖勒坤。歡詹佐領。尋陞護軍叅領。崇德三年。從伐明。略寧遠錦州。屢敗敵兵。順治元年。隨入關。擊破流賊李自成。從定山西。河南。五年。從征江西。叛鎮金聲桓。屢有戰績。克復饒州。南昌等府。九年。屢加世職。至一等輕車都尉。十年。從征孫可望。李定國于湖南。至衡州。奮勇擊賊。乘勝疾趨。遇伏。歿于陣。

欽定盛京通志

卷八十五

忠節四

四

賜祭葬。加贈三等男世職。諡忠壯。立碑墓道。

阿爾薦。姓瓜爾佳。隸鑲白旗滿洲。崇德三年。隨征明。攻直隸獻縣。以第二人先登。順治五年。從勦江西叛鎮金聲桓。攻南昌。先登陷陣。沒。贈騎都尉。

額塞。姓納喇。隸鑲白旗滿洲。世居葉赫。崇德三

年從征明。夜用雲梯。襲攻吳橋。先登。六年。圍明錦州。擊松山兵。敗之。順治二年。從南征。平定淮安。敗敵于淮黃之間。五年。從征江西。叛鎮金聲桓。敗賊渠王得仁之衆。屢以軍功。加二等輕車都尉。世襲罔替。十年。從征湖廣。擊賊於衡州。陣亡。

衮布。姓烏扎拉。隸鑲白旗滿洲。世居薩哈連烏拉。初爲

太宗近侍。崇德三年。隨征明。攻樂城。先登。歿于敵。

欽定盛京通志

卷八十五

忠節四

五

賜號巴圖魯。贈佐領世職。

滿本。姓戴佳。隸鑲白旗滿洲。世居杭嘉。初管佐領。崇德三年。隨征明燕京。至豐潤。遇敵歿於陣。贈佐領世職。

塔海。姓伊爾根覺羅。隸鑲白旗滿洲。世居長白山。崇德初。管佐領。隨攻松山。力戰陣亡。贈佐領世職。

扈習。姓趙佳。隸鑲白旗滿洲。世居瑚布察。崇德三年。隨征明。攻山東寧海州。先登。戰歿。贈佐領

世職。

多羅岱。姓烏扎拉。隸鑲白旗滿洲。世居黑龍江。崇德時。効力行間。從征明霸州。先登歿。贈佐領。世職。姪薩賚。亦於康熙中。勦吳三桂陣亡。又同旗阿顏圖。於崇德三年。征明。攻南皮。先登歿於陣。

葉喜。隸鑲白旗滿洲。富拉克塔從弟。父曰布哈圖。官叅將。葉喜初任叅領。崇德三年。從征明。擊明總兵吳阿衡兵敗之。五年。圍錦州。擊敗松山。

欽定盛京通志

卷八十五

忠節四

六

兵。順治元年。追勦流賊至陝西延安。城內賊兵突出。率兵擊走之。復追至承天。圍其城。獲船四。又自大江追賊至富池口。獲其戰艦。並擊敗其岸上駐守軍。三年。從征騰吉思。與土謝圖汗兵戰。歿于陣。追贈護軍統領。四年。加佐領。世職。達岱。隸鑲白旗滿洲。崇德六年。以待衛從征錦州。松山陣亡。

穆虎。隸鑲白旗滿洲。初任佐領。崇德四年。隨征薩哈連烏拉。擊鐸陳兵。力戰陣亡。五年。敘功。贈

佐領世職。

佟濟。隸鑲白旗滿洲。初襲佐領。崇德時。隨征明錦州。松山皆有功。順治初。隨入關。順治十五年。擢前鋒叅領。十七年。從征福建。攻廈門。遇海賊鄭成功。敗其水師。復追擊至蓋峙山。奮擊歿。贈騎都尉。

齊雅塔。姓西林覺羅。隸鑲白旗滿洲。世居尼瑪察。弟兄四人。齊雅塔居長。崇德時。從圍錦州。戰歿於松山。仲弟名布扎祿。順治初。從征陝西。奮

欽定盛京通志

卷八十五

忠節四

七

勇擊賊。受重傷。得優賞。其第三弟曰。固思塔。康熙十三年。以叅領隨征逆藩吳三桂。十五年。至廣西。擊賊馬雄等於桂嶺。戰歿。贈雲騎尉。秀弟名布思塔。亦於康熙十三年。以叅領隨征四川。擊偽總兵施遵禮於朝天關。進至蟠龍山。陷陣沒。贈雲騎尉。

噶布拉。姓富察。隸鑲白旗滿洲。哈寧阿之族孫也。崇德時。卽隨征討。順治六年。從征大同。叛鎮姜瓖。九年。隨征鄂爾多斯。皆有功。十六年。從征

福建。攻廈門。海賊鄭成功。列戰艦六百餘於海上。拒敵。敗之。復偕佟濟等往擊賊於蓋峙山。陣歿。贈二等輕車都尉。

蘇丹。姓瓜爾佳。隸鑲白旗滿洲。世居蘇完。楊善第四弟。吉菴子也。崇德時。管佐領事。順治十年。從征湖廣。與賊戰於衡州。陣亡。贈雲騎尉。世職。其子邁圖。亦於康熙十六年。戰沒於廣東韶州。贈騎都尉。

鼐兌。姓烏扎拉。隸鑲白旗滿洲。世居黑龍江。崇

德時。官曉騎校。順治十年。十一年。從征湖南。浙江。屢有戰功。康熙十三年。進剿逆藩耿精忠。禦賊於浙之溫州。奮勇衝入陣。再戰再出。傷重。卒於軍。其族人伊塞爾圖。以征海賊鄭成功。戰歿於蓋峙山。

海度。姓舒舒覺羅。隸鑲白旗滿洲。世居長白山。崇德時。卽管佐領。順治十五年。從征貴州。奏凱。康熙三年。從征逆藩耿精忠。累戰皆捷。十五年。海賊偽將軍劉國軒等。率賊萬餘。來攻海澄。海

度奮勇與戰。遂歿於陣。贈騎都尉。兼一雲騎尉。
西巴哩。姓富察。隸鑲白旗滿洲。世居訥殷。父石
圖。任佐領。天聰九年。從征瑚爾哈。有俘獲。順治
元年。隨入關。擊流賊。敘功。累加世職。一等輕車
都尉。及卒。西巴哩襲職。康熙十七年。從征逆藩
吳三桂。至湖廣。攻岳州。力戰陣歿。贈如例。

琿沁。姓納喇。隸鑲白旗滿洲。世居烏拉。父薩瑪
海。天聰間。卽擢用。順治二年。從入關。以功。授雲
騎尉。琿沁於康熙十三年。從征逆藩耿精忠。至

江西。屢戰有功。十五年。隨征逆藩吳三桂。擊偽
帥馬寶等。於湖廣醴陵。陣亡。贈一等輕車都尉。
阿哈納。姓寧古塔。隸鑲白旗滿洲。世居薩爾滸。
祖囊吉。自寧古塔率部人來歸。父烏魯哈。屢以
軍功。仕至佐領。加世職。二等輕車都尉。阿哈納
於康熙十五年。隨征逆藩吳三桂。進攻長沙。陣
亡。十六年。加贈一等輕車都尉。
和善。姓雷。隸鑲白旗滿洲。世居遼陽。其祖雷宏
化。父雷先聲。相繼爲鑾儀使。兄雷繼尊。仕至都

統和善以副將隨征。至王豐縣。兩當漢中。保寧。並在行間。擊賊有功。授雲騎尉。康熙十九年。從征四川。遇賊於瀘州。奮擊陣沒。贈騎都尉。

鑲紅旗滿洲

西喇布。隸鑲紅旗滿洲。世居完顏部。以地爲姓。太祖創業之初。率所部來歸。管佐領事。在理事十大臣之列。歲癸巳。征富勒嘉齊。西喇布以翼衛大營著績。哈達錫特庫發矢來射。西喇布以身當飛鏑。中傷而歿。

欽定盛京通志

卷八十五

忠節四

十

恩卹三等輕車都尉世職。順治十二年。追諡順壯。立碑與一品大臣等。

阿蘭珠。姓棟鄂。隸鑲紅旗滿洲。世居瓦爾喀什。來歸我。

太祖時。初設十札爾固齊。以阿蘭珠爲首。從征烏拉。身被重創。直前衝入奮擊。遂歿于陣。贈三等副將。世職。順治十四年。

世祖以阿蘭珠効力行間。勤勞茂著。追諡順毅。立碑墓道。

邱。姓棟鄂。隸鑲紅旗滿洲。永順弟也。初從攻額赫庫楞額哲村。力戰有功。身被一創。得優賞。

太祖戊申年。從征烏拉。身被四創。明將毛文龍以水師三百登島。焚我房屋。掠我牛馬。邱擊敗之。奪還所獲。天聰七年。隨攻明旅順口。繼兄永順後。登城克之。授備禦世職。八年。隨征薩哈連烏拉。及攻明松山。歿于陣。又有旺格。永順族弟也。隨擊明瀋陽。戰歿。叙功。贈備禦世職。又有察巴海。亦順族弟。初隨征明永平。歿于陣。贈佐領。永順弟

四子米拉渾。以勇著。亦歿于王事。

懷三。姓瓜爾佳。隸鑲紅旗滿洲。父綏那額。

國初率族人來歸。懷三于天命六年。從征遼陽。歿于陣。

郎格。姓棟鄂。隸鑲紅旗滿洲。以功授備禦世職。任薩爾滸遊擊。從攻瀋陽。歿于陣。加贈世職。至二等輕車都尉。其第二子和託。于順治間。平定山東河南。屢著功績。

綽和諾。姓那木都魯。隸鑲紅旗滿洲。父明安圖。

巴顏。

太祖創業之初來歸。綽和諾每臨陣服綿甲奮勇直前。所向披靡。隨何和里征瑚爾哈部克扎庫塔城。身被三創。天命六年以克潘陽遼陽叙功授三等輕車都尉世職。列位十六大臣。駐防科穆索地。斬寧古塔叛酋就善。天聰五年從征大凌河。力戰歿於陣。加贈一等輕車都尉世職。雍正七年入祀昭忠祠。

綽納。隸鑲紅旗滿洲。父孟格圖。屢以軍功加世職。至遊擊。及卒。綽訥官備禦。天命十一年隨我軍征明。與寧遠兵遇。歿於陣。

勞薩。姓瓜爾佳。隸鑲紅旗滿洲。世居安楚拉庫。驍勇善戰。每直前逆敵。天命六年從克遼陽。授遊擊。天聰三年戰錦州有功。五年從征明大凌河。擊敗松山兵。獲其二燾。又敗監軍張春前營。六年從征察哈爾。多俘獲。尋駐防彰武臺。數年敵不敢犯。

賜號順科。洛巴圖魯。十年略明代州。克敵有戰功。崇德

元年。從征朝鮮。敗其兵于南漢山城。二年。從征明燕京。至山東。敗明兵于墻子嶺。四年。加世職二等副都統。六年。七月。隨圍錦州。敗明松山兵。復隨睿親王多爾袞。與明經略洪承疇三隊軍戰。歿於陣。

太宗軫悼。賜奠。加贈三等子爵。順治十三年。世祖念勞。薩據忠効力。著績行間。

賜諡忠毅。立碑墓道。子呈尼。崇德七年。襲父世職。順治七年。九年。三遇

欽定盛京通志

卷八十五

忠節四

三

恩詔。進封一等伯。任議政大臣。尋隨征湖廣。遇偽秦王孫可望等之衆於衡州。與敬謹親王尼堪。俱歿於陣。由一等伯。加贈一等雲騎尉。

賜祭葬。諡誠介。立碑墓道。

固吉納。姓翁鄂。隸鑲紅旗滿洲。世居尼瑪察。其叔父瑚球。於

太祖時來歸。授備禦世職。卒。固吉納襲職。天命四年。從征葉赫。戰歿於陣。

塔納喀。姓錫克特哩。隸鑲紅旗滿洲。天命六年。

從攻遼陽有功。授遊擊。天聰五年。從征明大凌河。破監軍道張春兵。面創。落三齒。得賞。七年。隨征明旅順口。中礮歿。八年。贈佐領世職。

桑固理。隸鑲紅旗滿洲。天命六年。從克遼陽。授遊擊世職。天聰五年。從攻錦州。歿于陣。八年。贈世職爲二等叅領。

孟庫。姓鄂濟。隸鑲紅旗滿洲。世居烏拉。隨征棟奎。有俘獲。天聰八年。從征明。至大同。攻左衛。克之。又攻懷來。戰歿。贈佐領。

欽定盛京通志

卷八十五

忠節四

十四

太祖時來歸。從征瓦爾喀有功。授備禦世職。天聰二年。從征明。攻錦州。被創歿。

遜嘉沁。姓棟鄂。隸鑲紅旗滿洲。世居瓦爾喀什。天命六年。隨征明。攻瀋陽。歿于陣。贈遊擊世職。瑚拉哈。姓費摩。隸鑲紅旗滿洲。天聰四年。以佐領征大凌河。擊明監軍道張春兵。陣歿。同旗有孟庫魯。崇德三年。戰歿于錦州。贈佐領。

薩素喀。洪尼雅喀第二弟也。同兄來歸。從征明。

廣寧。至沙嶺。首先敗敵。天聰五年。從征大凌河。敗敵兵于壕邊。八年。往略明前屯衛。擊敗寧遠援兵。崇德五年。圍錦州。六年。進圍松山。敗明洪承疇軍。八年。復征寧遠。皆在事有功。順治元年。隨睿親王多爾袞。進山海關。擊流賊李自成。衝入賊陣。中礮歿。仕至禮部侍郎。兼副都統。加贈至二等輕車都尉。

覺羅鄂博惠。隸鑲紅旗滿洲。

景祖長兄之曾孫也。天聰四年。隨征明。進攻永平。在沙

欽定盛京道志

卷八十五

忠節四

五

庫山。與據守之蒙古兵交戰。被創歿。贈佐領世職。弟錫翰。從圍錦州。擊明經略洪承疇軍。步戰。攻入歿於陣。同旗護軍校薩穆唐阿。亦戰歿。俱贈如例。

額德隸鑲紅旗滿洲。世居完顏。以地爲姓。天聰七年。隨征明。攻旅順口。乘舡進擊。又與城門敵兵交戰。矢盡。奮勇殺入。歿于陣。八年。贈如例。順治七年。九年。加贈至三等輕車都尉。子舍爾圖。於康熙十五年。從征江西廣東。並有功。二十年。

隨征雲南。敗賊于黃草壩。乘勝進攻省城。擊偽將胡國秉等。陣歿。加贈一等輕車都尉。其族人胡錫。於康熙中。征逆藩吳三桂。戰歿于長沙。

哈爾古積。隸鑲紅旗滿洲。永順弟也。天聰八年。以辦事有能。授三等叅領世職。崇德六年。以護軍統領。隨圍明錦州。松山兵來犯。哈爾古積先衆領燾殺入。歿于陣。七年。加贈二等叅領世職。勞沙。姓納喇。隸鑲紅旗滿洲。世居烏拉。以軍功授佐領世職。隨攻明錦州城。歿于陣。天聰八年。

加贈三等叅領世職。

布蘭珠。姓伊爾根覺羅。隸鑲紅旗滿洲。世居訥殷。天聰八年。以筆帖式隨征薩哈連烏拉。及追喀穆尼哈葉雷。俱有功。崇德四年。再征薩哈連烏拉。歿于陣。

炳圖。姓納喇。隸鑲紅旗滿洲。拜音布族兄也。崇德二年。隨征皮島。率舡十隻。先渡海擊敵。歿于陣。贈佐領世職。

索爾和諾。姓庫齊禮。隸鑲紅旗滿洲。世居阿庫

里自幼喪父。長兄瑚禮納撫養成。人後爲仇人所害。索爾和諾親刃兄仇。以祭兄墓。鄉黨宗族咸歎異之。崇德三年來歸。八年隨征明。用雲梯攻河間。以第一人奮勇登城。後無繼者。遂戰歿。賜號巴圖魯。授佐領世職。

鍾古。姓舒舒覺羅。隸鑲紅旗滿洲。崇德六年任戶部理事官。隨征明松山。擊敗明經略洪承疇。軍復乘夜敗其衆。順治六年從征大同。歿于陣。追贈雲騎尉。又同旗穆什屯。天聰七年征明。攻

南海島。歿于鐵山。贈佐領。

特穆深。姓庫齊哩。隸鑲紅旗滿洲。崇德八年隨征明山東。攻冠縣。先登歿。贈佐領世職。是役也。本旗名喀喇者。亦登城戰歿。

沙爾納。隸鑲紅旗滿洲。崇德八年隨征明。攻河間。先登歿。贈佐領世職。次子噶什圖。康熙十四年從征逆藩耿精忠。戰歿于浙之溫州。

阿耶阿。姓伊拉哩。隸鑲紅旗滿洲。順治元年隨入關。擊敗流賊。復從征山西。攻太原。先登。三年

駐防山東。時東昌土賊作亂。率衆力擊。歿于陣。同旗戰歿者。曰讓喀。贈騎都尉。

察瑪海。隸鑲紅旗滿洲。博爾晉孫也。順治元年。隨入關。擊賊將唐通兵。敗之。從征陝西。敗流賊于延安。及賊犯正白旗汛地。察瑪海往援。歿於陣。贈如例。其族人巴岱。戰歿于大同。瑪納海。姓西林覺羅。隸鑲紅旗滿洲。崇德時。隨貝勒阿巴泰征明。至山東。攻濟陽。先登。得優賞。順治元年。入關。擊流賊。沒於陣。贈如例。

班第。隸鑲紅旗滿洲。世居旺佳。以地爲氏。順治六年。隨征大同。叛鎮姜瓖。奮勇擊賊。歿于陣。贈騎都尉。同旗有索瑪。姓瓜爾佳。世居哈達。順治二年。擊流賊于延安。陣歿。喜福。姓薩克達。隸鑲紅旗滿洲。世居那木都魯。父葉古德。于

國初率戶口來歸。

太祖賜以妻室。使管佐領事。列七備禦。歷官副將。卒。喜福襲職。初隨征薩拉連烏拉。有功。順治三年。從

征四川。擊賊賀珍于漢中。敗之。至生蓋。復擊敗賊衆。回至太原。破賊於寧武。因傷卒。贈二等輕車都尉。子科爾昆。隨定雲貴。著功績。康熙中。勦逆藩吳三桂。擊賊于金水河。陣歿。加贈男爵。都貝。隸鑲紅旗滿洲。世居新嘉。以地爲氏。順治初。從入關。九年。從征明桂王朱由榔。至湖廣衡州。力戰陣亡。同旗有喀拉沙布。木蘭。亦于是役陣歿。俱贈如例。富拉布。姓納喇。隸鑲紅旗滿洲。世居哈達。

欽定盛京通志

卷八十五

忠節四

九

太祖時。其祖薩穆哈。來歸。授佐領。順治初。從入關。康熙元年。富拉布。從征雲南。緬甸。皆在事有功。授雲騎尉。十四年。從征叛鎮王輔臣。至陝西平涼。擊賊歿。其侄普鐸。從征逆藩吳三桂。戰歿于永興。正藍旗滿洲。

達珠瑚。姓兆佳。隸正藍旗滿洲。

太祖時來歸。初以軍功。授佐領。又從征葉赫。烏拉諸部落。斬獲甚多。敘功。加三等男。天聰間。擢列十六大臣。佐理鑲黃旗事。又從征東海。瓦爾喀部。大

獲以歸。卒爲俘卒所害。順治十二年。追諡襄敏。子翁阿岱。亦屢以軍功顯。崇德六年。戰歿松山。贈卹甚厚。晉一等男。

勞翰。姓他塔拉。隸正藍旗滿洲。在行間十四年。大小五十餘戰。攻拔數十城。皆獲全勝。天聰元年。圍義州。久不下。值夜。雲密布。城上聞寂無聲。勞翰乃潛迹緣城。將登。敵伏發。矢如雨下。重創而死。贈騎都尉。同旗有濟爾海。攻錦州。中礮歿。布噶。姓舒穆魯。隸正藍旗滿洲。世居訥殷。

欽定盛京通志

卷八十五

忠節四

三

太祖取瀋陽。與敵戰。奮勇爭先。歿于陣。追贈如例。國初來歸。以軍功授二等叅將世職。天命六年。隨

布勒吉。隸正藍旗滿洲。天聰四年。從征明。圍永平。昌火登城。克之。及我師駐永平。明山海關援兵來犯。布勒吉力戰陣亡。贈備禦世職。

明格。姓瓜爾佳。隸正藍旗滿洲。世居哈達。天聰三年。從征大同。攻朔州。先登歿。贈如例。又同旗瑚申布魯。天聰五年。隨征明。攻遵化。有功。順治元年。從入關。擊敗流寇。七年。擊海寇鄭成功于

江寧。力戰歿于陣。贈世職三等男。

丹布。隸正藍旗滿洲。雅秦伯父也。初管武備院事。天聰五年。從征明。圍大凌河。戰歿。其孫塞勒。初任三等護衛。從征福建。與海賊戰于廈門。陣亡。贈雲騎尉。拉們。雅秦弟也。康熙十三年。以前鋒叅領從征逆藩吳三桂。與賊戰於衡州。陣亡。贈雲騎尉。

邁格。姓瓜爾佳。隸正藍旗滿洲。從征擊敵。屢被重傷。天聰八年。從征大同。攻左衛。奮勇先登。戰

欽定盛京通志

卷八十五

忠節四

三

歿。贈雲騎尉世職。

哲爾特。隸正藍旗滿洲。崇德元年。從征朝鮮。以重傷得優賚。順治元年。追擊流賊。至延安。中創歿。

查蘇喀。姓烏蘇。隸正藍旗滿洲。世居寧古塔。崇德初。在文館辦事。號巴克什。兼佐領。七年。從征錦州。與敵戰于裏紅石。力戰陣亡。是役也。同旗名碩勒。姓富察。世居葉赫。奮勇擊敵。歿于陣。又有奇圖倫。亦以是役陣歿。

傅克察。姓扎拉哩。隸正藍旗滿洲。初以軍功。官佐領。從征明燕京。戰歿于昌黎。贈三等叅領。薩爾泰。姓溫都。隸正藍旗滿洲。

太宗時來歸。崇德六年。隨攻錦州。擊明經略洪承疇軍。力戰被創。以功。授加一雲騎尉。八年。隨征山東。破青州。轉戰至豐潤。安肅。三河。皆在事有功。順治十五年。駐防江寧。海賊鄭成功犯瓜州。戰歿。薩必罕。隸正藍旗滿洲。烏達理之第三叔父。累任兵部叅政。崇德六年。隨征松山中。傷而歿。孫

欽定盛京通志

卷八十五

忠節四

三

哈爾沁。任一等護衛。康熙十八年。從征福建。攻廈門。戰歿。贈雲騎尉。薩必罕之弟曰瑚什。初任叅領。崇德二年。隨征明皮島。渡海力戰歿。贈佐領世職。

武巴什。姓烏蘇。隸正藍旗滿洲。順治初。從入關。五年。從征四川。奮勇。擊賊陣歿。又同旗僧額德。順治二年。從定山西。至高長坡。遇賊力戰。陣歿。贈加一雲騎尉。

瑪奮。姓博爾濟錦。隸正藍旗滿洲。順治初。從入

關二年。從征浙江。江南。屢立戰功。嗣與賊戰於會稽。陣亡。贈加一雲騎尉。

鑲藍旗滿洲

穆克譚。姓戴佳。隸鑲藍旗滿洲。世居哈達之杭澗。

太祖創業之初。從其父率屬來歸。每從征伐。必前驅。穆

克譚從子鄂爾諾。與孟庫之父查海瑚碩二人。叛歸哈達。穆克譚父及四兄追之。俱歿于陣。穆克譚隻身追擊。執而殺之。天命元年。我師征瓦

欽定盛京通志 卷八十五

忠節四

三

爾喀。舒賽阿爾瑚達。進戰不利。孟庫噶哈二人先走。穆克譚怒。同燕布理等八人。直入賊陣。賊皆披靡。舒賽阿爾瑚達得免。師還。

太祖治孟庫噶哈之罪。奪其所獲。以賜穆克譚。天命六

年。從征明耀州。先登克其城。遂駐防焉。時有蒙古叛去。我兵十九人追及之。與戰不利。穆克譚策馬大呼。刺首逃者海色。餘皆潰。敘功。授二等男世職。

太宗即位。擢置十六大臣之列。天聰元年。從征朝鮮。兩

以先登獲賞。五年從圍錦州。穆克譚徑抵城濠。舍騎步戰。追敵入濠。敵兵矢礮齊發。我兵不得前。穆克譚鏖戰死。贈一等男世職。順治十二年。追諡忠勇。

特音珠。姓完顏。隸鑲藍旗滿洲。

國初率族來歸。

太祖令兼管六佐領事。授備禦世職。屢從征討。宣力戎行。創痕滿體。多著勲勞。累任至副將。後以創發。卒。子多貝。天聰五年。隨大軍征明。攻大凌河。城

欽定盛京通志

卷八十五

忠節四

三

內敵兵突出。多貝身先士卒。戰歿。

覺羅謨海。隸鑲藍旗滿洲。世居雅爾古。初以戰功。授備禦。天命六年。從破明兵于耀州。天聰六年。征明錦州。奮勇力戰陣亡。贈叅領。雅穆布拉。姓瓜爾佳。隸鑲藍旗滿洲。

太祖時來歸。授備禦職。天命六年。從征明。攻瀋陽城。力戰陣亡。贈遊擊。其孫噶達琿。康熙中。從征叛鎮。王輔臣。戰歿于平涼。又同旗哈穆嘉。天聰二年。征明。圍錦州。至松山。往截敵路。遇敵敗之。進圍

杏山松山三敗敵衆。崇德六年。隨圍錦州。克其
外城。復擊明洪承疇三營步兵。奮勇勦殺。歿于
陣。追贈佐領。又同旗覺羅布爾海。亦以天聰五
年。征明大凌河。擊明監軍道張春兵。身先士卒。
力戰陣亡。贈備禦。

卓納。隸鑲藍旗滿洲。世居哈達。

國初來歸。

太祖賜姓覺羅。授佐領。天聰五年。八月。從征明大凌河。
圍錦州。我師四面進戰。城內敵兵突出。卓納身

欽定盛京通志

卷八十五

忠節四

三五

先衆軍奮擊陣亡。贈備禦。其孫碩倫。於順治六
年。征叛鎮姜瓖。攻左衛。陣亡。

輝蘭。姓舒舒覺羅。隸鑲藍旗滿洲。天聰五年。從
征明。攻大凌河。擊明監軍道張春兵。隨燾殺人。
大敗其衆。六年。從征察哈爾。入明邊。圍大同。略
五臺山一帶。攻土堡。先登克之。崇德五年九月。
從征明。敗杏山兵。有功。六年。從擊明洪承疇三
營步兵。奮身直前。殺入敵陣。旣出。復進擊。遂歿
于陣。贈佐領世職。

愛賽。姓納喇。隸鑲藍旗滿洲。天聰三年。從征明燕京。有功。五年。攻明大凌河。連敗敵兵。復擊明監軍道張春兵。領燾殺入。力戰陣亡。贈佐領。圖捫。姓西林覺羅。隸鑲藍旗滿洲。父屯台。

太祖時來歸。妻以覺羅尊屬女。授佐領。圖捫襲職。屢從五大臣征伐有功。天聰五年。隨征明大凌河。首先敗敵。明監軍道張春率眾數萬來援。鋒甚銳。圖捫復身先迎擊。敵營火礮齊發。中圖捫股。股斷。一筋未絕。奮勇自若。堅壁不退。待我軍繼進。

欽定盛京通志

卷八十五

忠節四

美

卒破明兵。

太宗聞之。命鄭親王濟爾哈朗往視。對曰。吾傷重。不復能乘馬殺敵。乞王奏請。使爲吾截去股。以油炙之。雖殘廢。猶堪爲

朝廷司閹也。是夕。竟卒。

太宗軫悼。贈備禦世職。

阿爾岱。姓覺爾察。隸鑲藍旗滿洲。安費揚古弟。四子也。天命六年。率師駐防耀州。有明兵來犯。擊敗其軍。嗣屢從征伐。戮力戎行。以功授備禦。

世職。天聰五年。從征明大凌河。城內兵突出。阿爾岱身先士卒。奮勇衝殺。遂歿于陣。贈世職三等叅領。

福成額。隸鑲藍旗滿洲。世居卦勒察。以地爲姓。父布雅哩。于天命九年。率弟兄來歸。

太祖招撫沙布圖未降。布雅哩率衆往說。卽來歸。天聰九年。以叅領隨征黑龍江。俘獲甚衆。福成額于康熙中。隨征湖廣。屢有功。嗣至烏爾會。以衆寡不敵。力戰陣亡。

欽定盛京通志

卷八十五

忠節四

七

特賜祭葬銀。加優贈。

孟健。姓戴佳。隸鑲藍旗滿洲。世居哈達之杭澗。初率屬來歸。

太祖授以佐領。崇德二年。從征瓦爾喀什。力戰陣歿。

噶布碩。姓倉佳。隸鑲藍旗滿洲。世居吉林。崇德三年。征明。攻靈壽。先登。遂歿于陣。贈佐領。其弟錫奇納。順治三年。剿山東土賊。乘夜往擊。中流矢歿。敦達禮者。噶布碩弟噶布喀之子也。康熙十八年。征逆孽吳世璠。至湖廣長沙。力戰陣亡。

俱贈雲騎尉。

武達納。姓鈕翁金。隸鑲藍滿洲。世居輝發。任叅領。崇德三年。從征明。攻寶坻。先登。六年。圍錦州。夜戰。克其外城。八年。攻薊州。身先士卒。力戰。歿于陣。贈佐領。世職。

覺羅噶思哈。隸鑲藍旗滿洲。崇德四年。從征索倫部。多俘獲。又追逃叛噶凌阿三。與之遇。歿于陣。贈遊擊。世職。

穆鼐。隸鑲藍旗滿洲。任佐領。崇德四年。同征索倫部。適敵兵圍海蘭村。我師突圍殺入。穆鼐以殿後。力戰而歿。贈佐領。世職。

棟阿。姓烏扎拉。隸鑲藍旗滿洲。世居卦勒察。崇德八年。征明山東。攻館陶。先登。為敵所殺。贈佐領。其子福拉塔。於康熙中。勦賊鄱陽湖。中礮歿。贈雲騎尉。

羅多禮。姓瓜爾佳。隸鑲藍旗滿洲。世居尚陽堡。順治七年。奉

命招撫甘肅。為白帽賊所殺。其次子諾穆齊。亦于康熙

中。勦逆藩吳三桂。奮勇擊賊。陣歿。

圖爾哈圖。隸鑲藍旗滿洲。崇德八年。從征明。攻定州。奮勇先登。中傷而歿。贈佐領。同旗有莽廓。姓尼拉。世居葉赫。順治元年。從入關。擊流賊。力戰陣亡。贈領領世職。

烏拉納。隸鑲藍旗滿洲。順治元年。隨入關。屢立戰功。二年。征流寇至湖廣。攻武岡木城。力戰而歿。贈雲騎尉。

覺羅科賚。隸鑲藍旗滿洲。世居葉赫。父韋泰什。

崇德間。從攻明薊州。陣亡。康熙十五年。科賚隨征逆藩吳三桂。至湖廣。攻長沙。在平江臺奮勇擊賊。歿於陣。贈雲騎尉。

鑲黃旗蒙古

三晉。姓庫勒特。隸鑲黃旗蒙古。崇德三年。隨征明至山東。攻荏平。先登被傷而歿。贈佐領。

扈護。姓博爾濟。隸鑲黃旗蒙古。崇德三年。以護軍校從征明。至直隸豐潤。還將出邊。遇敵陣亡。贈佐領。

克什特。姓錫拉。隸鑲黃旗蒙古。崇德八年。從征明山東。有功。六年。隨攻大同。中礮陣亡。八年。加贈雲騎尉。同旗有布齋。以護軍校。隨征錦州。陣歿。

正黃旗蒙古

奇塔特偉徵。姓博爾濟吉特。隸正黃旗蒙古。世居克魯倫鄂爾多斯哈爾濟農之族也。天聰八年。六月。率子弟來歸。

賜緞衣一襲。是月。

欽定盛京通志

卷八十五

志節四

三

太宗親征科爾沁。駐蹕錫喇烏蘇河之南山岡。奇塔特偉徵率所部兵來會。并獻酒殺馬匹。因隨我軍往圍錦州。城內明兵突出來犯。奇塔特偉徵力戰。歿于陣。追授三等男。

索諾瑪阿布拉庫。隸正黃旗蒙古。初從征明。攻松山時。克敵有功。崇德六年。復隨取錦州。遇敵猝至。呼噪衝入陣。拳盡而歸。尋隨擊明經略洪承疇軍。奮勇力戰。陣歿。贈佐領。

揆澄。姓齊岳噶穆特。隸正黃旗蒙古。天聰三年。

隨征明。至通州。敵兵來犯。擊敗之。又破明經略盧象昇軍。旋掠興安。斬獲甚衆。崇德六年。從征明。圍錦州。明經略洪承疇合兵來援。立步卒三營。擊敗之。又敗其騎兵。七年。以善戰有功。加優敘。順治二年。以係

太宗舊臣。加世職佐領。嗣遇

恩詔。加二等輕車都尉。任副都統。十一年。征湖南。遇僞秦王孫可望於岔路口。力戰陣亡。加贈世職一等輕車都尉。

欽定盛京通志

卷八十五

忠節四

三

武京。隸正黃旗蒙古。天聰三年。從征明。至通州。遇敵擊敗之。又敗明經略盧象昇軍。六年。同征察哈爾。至興安嶺喀倫。斬獲甚衆。崇德六年。從征明。圍錦州。敗敵有功。順治二年。以係

太宗舊臣。加佐領世職。嗣遇

恩詔。加二等輕車都尉。是年。隨敬謹親王尼堪。征湖廣。至岔路口。遇僞秦王孫可望兵。奮勇進擊。歿于陣。加贈一等輕車都尉。

羅理。姓鄂爾沁。隸正黃旗蒙古。天聰八年。白察

哈爾攜戶口來歸。授一等叅領。世職。崇德三年。隨征明。擊敗明密雲兵。六年。從征明錦州。圍其城。城中軍出戰。我師不利。退保壕塹。羅理亦以堅守汛地。奮力拒戰。陣亡。加贈副都統。世職。

正白旗蒙古

充固。姓塔巴努齊科。隸正白旗蒙古。天聰三年。從征明。攻雄縣。克之。崇德三年。從擊明兵。破之。出邊。復敗敵于董家口。八年。從征明。攻任邱。先登。

欽定盛京通志

卷八十五

忠節四

三

賜號巴圖魯。以功。授佐領。世職。順治元年。從入關。以後。隊從征流賊。屢破之。任戶部理事官。五載考滿。加世職三等輕車都尉。疊遇。

恩詔。加一等輕車都尉。兼一雲騎尉。從定南王孔有德。征湖廣。戰于衡州。陣亡。贈三等男。

正紅旗蒙古

海碩。隸正紅旗蒙古。天聰六年。征明。至大同。攻德興堡。奮勇先登。陣亡。贈佐領。

恩格伊。隸正紅旗蒙古。任佐領。崇德七年。三圍。

錦州。及進攻塔山。俱在事有功。順治元年。從入關。破流賊李自成二十萬衆。恩格伊奮勇進擊。遂歿于陣。贈騎都尉。

鑲白旗蒙古

沙哩布。姓博爾濟吉特。崇德二年。自察哈爾率丁壯百餘來歸。使轄之。爲佐領。隸鑲白旗蒙古。尋授一等待衛。任叅領。順治五年。擢副都統。九年。擢都統。授雲騎尉世職。時流賊張獻忠餘黨孫可望。李定國。劉文秀竄匿黔蜀間。假擁戴明桂王朱由榔爲名。與其將盧明臣。馮雙禮等。侵掠湖廣。十年。沙哩布奉

欽定盛京通志

卷八十五

忠節四

三

命偕寧南大將軍辰泰。鎮守湖南。十二年。劉文秀。盧明

臣。馮雙禮等。以數萬衆分犯岳州。武昌。沙哩布設伏邀擊之。賊大敗。復犯常德。戰艦千餘。蔽江而下。沙哩布六戰皆捷。縱火焚其艦。明臣赴水死。雙禮被創遁。文秀走桃源。窮竄至貴州。十五年。從信郡王多尼。征雲南。由榔奔永昌。明年。敗其將白文選于玉龍關。由榔遂奔騰越。我師躡

之。渡潞江。定國踞磨盤山拒戰。沙哩布前驅遇
伏。力戰歿于陣。喪還。

遣官致奠。

賜祭葬。諡襄壯。晉騎都尉世職。子多爾濟襲。後以次停
襲。乾隆十五年。

詔核八旗世職。以死事卹敘。而襲次已滿者。乃復
錄沙哩布曾孫德明爲恩騎尉。世襲罔替。

鑲紅旗蒙古

特木爾。姓科爾伯蘇。隸鑲紅旗蒙古。崇德元年。

欽定盛京通志

卷八十五

忠節四

三

以三等叅領。隨征朝鮮。歿于陣。贈佐領。

童爾阿。姓巴林。隸鑲紅旗蒙古。崇德六年。隨征
明錦州。與明經略洪承疇三營兵戰。陣亡。贈佐
領世職。

僧格。姓巴林。隸鑲紅旗蒙古。崇德六年。隨圍明
錦州。城內兵突出。僧格奮力抵禦。歿于陣。贈三
等叅領世職。

索羅岱。姓翁鄂羅特。隸鑲紅旗蒙古。崇德七年。
從征明。略山東。以雲梯攻費縣。先登歿。贈佐領。

正藍旗蒙古

宜穆圖。姓博爾克。隸正藍旗蒙古。世居敖漢。崇德三年。隨征明。攻敵于三河。順治元年。從入關。敗流賊于慶都。又敗之潼關。皆在事有功。十一年。隨征湖廣。至衡州。陣亡。加贈一等輕車都尉。同旗蒙古陣亡者。烏孫泰。

圖薩。姓烏朗罕。濟勒敏。隸正藍旗蒙古。初任佐領。順治元年。從入關。擊流賊于山海關。中礮歿。贈佐領世職。

蒙格圖。姓錫額禮。隸正藍旗蒙古。世居葉赫。順治初。屢立戰功。十四年。隨征福建。至廈門。遇海賊鄭成功。戰歿于蓋山寺。贈雲騎尉。

鑲藍旗蒙古

齋薩穆。姓烏努古台。隸鑲藍旗蒙古。崇德元年。來歸。授三等叅領。從攻明錦州。及下山東。皆屢立戰功。八年。隨攻薊州。中礮歿。贈世職一等叅領。

肯哲。姓錫魯克。隸鑲藍旗蒙古。官佐領。崇德七

年從征明。圍錦州。明經略洪承疇以兵冒雨來犯。擊敗之。又敗其三營步兵。順治元年。隨入關。十年。從征湖南。擊賊于衡州。戰歿。加贈一等輕車都尉。

佟噶爾。姓巴林。隸鑲藍旗蒙古。崇德三年。從征山東。戰歿于陣。贈佐領世職。

色赫。姓穆勒濟。隸鑲藍旗蒙古。世居哈達。任佐領。崇德七年。從征明。圍錦州。隨擊明經略洪承疇軍。敗其衆。順治三年。從南征。圍浙之平湖。中

欽定盛京通志

卷八十五

忠節四

美

鎗歿。贈雲騎尉。

綽克托。姓烏朗哈濟拉默。隸鑲藍旗蒙古。任佐領。崇德八年。隨征明。以雲梯攻墻子嶺。中矢歿。順治三年。贈佐領世職。

欽定盛京通志卷之八十五